



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

XLVII. Coma Magdalenae fit astrum.

[urn:nbn:de:hbz:466:1-70461](#)

X L V I .

*Fama effusam à MAGDALENA
nardum colligit.*

VT tum fors thalami limine florido
Stabat Fama sacri nuntia nardini,
I E S V M sollicito lumine metiens
In costo, casâ, & croco;
Hinc illinc manibus sublegit obuiis,
Et pando gremio condit, amabiles
Passim reliquias Magdaleâ manu
Sparsas marmoreo solo.
Et nardi liquidis implet odoribus
Ieiunum lituum, quo tuba personans
Messes Magdaleas orbis in ylta
Spargat cinnameo tubo,

X L V I I .

Coma MAGDALENÆ fit astrum.

EVERRIS madido cincinno sedula lymphas,
Vnde Dei in castos balnea fusa pedes.
Obsequium felix! prô dedecus! ibit in vnam
Pulueream hæc sindon, & coma digna Deo?
Quis sonor, incertû; sonor attamen appulit aures;
Vox sonat ab dextrâ: Iam coma sidus erit.
Si Berenicæo dedit astra marita capillo,
Dum parit incestum crimen adulter hymen;
Sidereum his cirris æther cur abnuat aurum,
Quæ Domini argenteos implicuere pedes?
Hic ybi fulua micant stellante monilia Cælo,
Nobile

Nobile cæsaries aurea pignus erit.
 Quo vis indigitem titulo Cælīve figurā
 Magdaleum fidus, humidulasq; comas?
 Si radio imbrifero coma quos bibt, exprimit
 imbres;
 Credo piis lacrymis nubila Pleias erit.

X L V I I .

Crines MAGDALENÆ, casses
CHRISTO.

D E D I G N A N S humili reptates agmine prædas,
 Siue solo currant, siue vagentur aquis;
 Aucupe freta dolo meditaris in aëre fraudes,
 Pennatisq; moues ardua bella feris.
 Egregium quo cura trahit generosa laborem,
 Incipe pennigero tendere lina gregi.
 Sed quid ego in Superos vacuas procul eueho
 curas?

Terra tibi Cælum; est h̄ic tua præda Deus.
 En spes ille tuæ sedet opportuna rapinæ
 Hic, vbi Sidonio lucet honore torus.
 Intendis laqueos & fila dolosa Tonanti,
 Irretisq; trahens in tua vincla Deum;
 Vincla sed illa, teres nisi fors pilus, instar A-
 rachnes.
 Tam fragili teneat cōpede Numen Amor?
 Tam fragili tenet ille sedēs in compede Numen:
 Et quid ni teneant aurea fila Deum?
 H̄ic quid opus crastusve rudens, seu firma catena,
 Vnde Deum capiat, si velit yltron capi?

MAGDA-